

「國家社會科學基金重大項目」

何建明

主編

中國地方志
佛道教文獻匯纂

人物卷

(91)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
人物卷
佛道教文獻匯纂
(91)



國家圖書館出版社

中國地方志佛道教文獻匯纂·人物卷

湖北省 武漢市

江夏縣志

清·陳元京修 范述之等纂

清乾隆五十九年（一七九四）刻本

仙釋

唐

羅公遠鄂州人元宗好仙術開元中秋夜公遠導爲月宮之遊以學隱形術不盡其傳怒欲斬之逖去後數歲元宗使輔仙玉使蜀見公遠於黑水道中曳杖徐行仙玉策馬不能及呼曰大師雲水適意豈不念內殿相識耶公遠還顧與玉據石而坐因出書一緘並蜀當歸以寄及元宗西幸始悟其寄意云

善信南昌王氏子受度於本州開元寺僧清照而契心

印于馬祖道一北遊五臺感妙德現瑞相發願爲衆僧
執爨三年僧力卻之信涕淚雪泣不已有老父告之曰
汝緣在南方衆不汝容盍行矣乎逢隨卽止遇洪卽住
信遂挈錫南還以寶歷二年抵隨州覩一山巍然問於
逆旅主人曰此爲何山荅曰大洪山信惕然思老父語
則延緣而入至於山麓諸水所委滙爲重湖神龍居焉
旱乾水溢有禱輒應時久不雨鄉人張武陵具羊豕將
以致禱信見而悲之謂武陵曰雨晴不時本由業感害
生自利徒增汝罪可且勿殺吾爲汝祈約以三日必雨

武陵聽之信探幽履險得山之北崖泊然晏坐運誠默
禱及期雷雨大作雨旣霑足武陵訪求於崖中時信猶
在定蛛絲羃面附耳而號挫體而告久之方覺武陵遂
施此山爲建精舍大和元年五月二十九日信密語於
龍神曰吾前許以身代牲輟汝血食今捨身餉汝汝可
享吾肉卽引刀斷左右足白液旁流滅雙足留鎮山門
肉色久而不變四衆哀慕稱之曰佛足有司以聞朝賜
號慈忍大師額院國濟後以祈禱有奇驗累加寺號曰
靈濟宋末隨數被兵洪山又當其要害爲南北必爭之

地邊境之民既多流散叢林之下亦無以安其居京湖
制置使孟珙隨人也與都統張順謀遷其衆適於樂郊
乃度地於鄂州之山自隨州捧佛足及累朝所被誥勅
徙寺額僑置焉元始祖在潛邸帥師南伐駐蹕於鄂遙
見山頂有神人立於雲端詢知爲大師化迹所寓深加
敬異暨班師實函佛足扈從至京師特命安置於密宇
而嚴奉之既正位有旨遣使護送還山道出許州佛足
重莫能舉使者歸奏詔卽其地建寺

節錄元黃潛碑記

劉本德初爲商於江湖乾符中大饑出米數萬石賑之

黃巢亂避地五老峯下有鹿裘道人來訪把臂入深澗
忽一老人邀入山院至則丹碧輝煥老人曰此洞天也
以汝行善故得至此語畢不見道人曰爾籍名仙籙矣
遂揖別後本德遍遊名山竟仙去

劉元靖遊名山入南岳峯鑿石穴以居絕粒煉氣唐敬
宗召入思政殿武宗復召入禁中賜號廣成後仙去惟
杖履在焉

曉然唐進士李洞爲長沙太守初建嶽麓書院者也居
靈泉山以兄暄夢神告之曰此大福地也女不可居居

必有奇禍乃請捨宅爲寺遂爲靈泉寺開山祖久之有
省曰我將去俟一奇形怪狀者至吾徒也無何百崑來
果然卽授衣鉢辭去後數年里人有過天台山者道遇
之寓書百崑揖別里人反顧則身在雲表矣後百崑亦
證道

無念應山孟昉陳氏子父名必貴九歲禮寶林寺無極
爲師又往叅荊州無聞和尚豁然有悟洪武中楚昭王
迎卽至洪山遷九峯奏聞召見賜以詩及雜綵納衣金
鉢盂淨瓶各一又賜光祿果饌遣中官護送還山又遣

中官齋桐實松花御製詩文二軸賜歸武昌詩二首懷
僧無念詩一首見御文集中永樂初仙遊年八十塔在
九峯

劉邇邇天門人遊於鄂初擔生涯遇異人授以秘旨遂
得狂拾糞穢間物食之又集破布敝屨以爲衣故人以
邇邇呼之寓鳳凰山五顯廟食其神前燭殆盡僧嘆之
乃出臥山上值大雪覆壓二三尺僧恐斃持鋤掀而出
之正酣睡也與人語多中其隱諸生有問遺才試題者
大罵曰一部四書從頭至尾都是題及試果大學之道

然而無有乎爾二句萬歷己酉有王生名時化者問今
科解元應聲曰蓋有之矣我未之見也及入場首題卽
此二句而士果傾解夏圍爐冬茹雪食生雞鴨等物曰
此天池玉藕嚼而彌甘屬續之際發三昧火自化其軀
鼻孔玉柱雙垂五顯廟卽今靈瑞宮內有金像

心如黃安人苦修頓悟楚藩迎主修靜寺後端坐而化
鼻端玉柱雙垂

天如住修靜寺言未來事多中常受一宰官舟資數兩
渡江則與舟子或曰何多也師曰彼云舟資我今不到

岸乎又某施一衲值十五金遇寒乞卽以衣之獻賊破
省之前師指城東門謂人曰此竈竇也又曰城內皆圍
猪耳張屠李屠至矣每五更沿街叫呼謝檀越佈施大
難到盡早爲計人狃於故常癸未元旦忽去不見六月
闔省及於難

白雲山人雲遊道人也寓靈泉寺與冢宰張鶴山契一
日謂之曰此間佳脚不我去君卽來明日訪之道人往
矣未幾鶴山卒今寺壁鐫有詩云地幽人到少來訪老
僧家野烟籠貝樹梵境護曇花獻佛談禪語翻經念法

華陟彼巍巍處山光入望賒後署白雲山人字天矯亦
翩然欲仙

國朝

如素住金沙洲淨熒菴著法華楞嚴經解注金剛合刻
戒榮叅天童宏覺忝國師忝奉

世祖章皇帝詔入京榮隨之對萬善殿稱

旨賜紫金鉢盂後至楚建道場名南溪向上一日謂徒曰吾年
五十六萬事皆具足翻身北斗藏山青與水綠擲筆而
逝

海源結茆賓陽門內紫竹林苦修數十年一日危坐門
首見左右舉手曰承衆居士護持我世緣將盡不久住
人間衆以爲戲言少頃入內閉門端坐環以薪合掌自
焚衆見內烟起穴壁入覩源下體已焚尚開目顧衆點
首念佛

中國地方志佛道教文獻匯纂·人物卷

湖北省 武漢市

江夏縣志

清·王庭楨修 彭崧毓纂

清同治八年（一八六九）刻

光緒七年（一八八一）增補重印本

方外

唐

羅公遠鄂州人刺史春讌觀者傾郡中有白衣人長丈餘俄一童傍過叱之攝衣去吏白刺史問之姓羅名公遠適見守江龍上岸趣令回耳刺史欲驗虛實乃約期掘坎水濱引水人逡巡有小白魚隨流騰躍青煙起坎中雲氣電光注雨如鴻見一白龍於江心食頃方滅時元宗好仙術刺史表進之開元中秋夜公遠導元宗爲月宮之游以學隱形術不盡其